

786 *SYNODUS, QUE FACTA EST IN ANGLORUM SAXONIA^a TEMPORIBUS TER BEATISSIMI ET COAN-
 .f. 113' GELICI DOMINI HADRIANI SUMMI PONTIFICIS ET UNIVERSALIS PAPE¹ REGNANTE GLORIO-
 SISSIMO KAROLO EXCELLENTISSIMO REGE FRANCORUM ET LANGOBARDORUM SEU PATRICIO
 ROMANORUM, ANNO REGNI IPSIUS XVIII, MISSIS A SEDE APOSTOLICA GEORGIO^b, OSTIENSI
 .f. 114' EPISCOPO², ET THEOPHYLACTO,* VENERABILI EPISCOPO SANCTE TUDERTINE ECCLESIE, REG- 5
 NANTE DOMINO^c NOSTRO IESU CHRISTO IN PERPETUUM, ANNO INCARNATIONIS EIUSDEM
 DOMINI NOSTRI DCCLXXXVI, IND. X.

Inspirante divina clementia, o pastor egregie, summe, sancte, gloriose, decus,
 alme pontifex Hadriane, misisti nobis epistolas per Theophylactum, venerabilem epi-
 scopum sancte ecclesie Tudertine, continentes saluberrima statuta et omni sancte ec- 10
 clesie necessaria, nostram simul parvitatem paterna pietate admonentes, quemadmodum
 trans mare in gentem Anglorum peragrarere debuissimus, ut si qua zizania messem
 optimo semine satam, quam beatus Gregorius papa per os sancti Agustini seminavit,
 inritasset^d, funditus eradicare quod noxium et fructum saluberrimum stabilire summo
 conamine studuissemus. Nos vero faventibus sanctis orationibus vestris hilari vultu 15
 Matth. 4, 1. vestris iussionibus obtemperantes perreximus, sed impedit nos is qui temptat vento
 Ps. 88, 10. contrario, ille vero qui mitificat fluctus, exaudita vestra deprecatione, mitificavit^e cerula
 .f. 114' freta^f et transvexit* nos ad portum salutis ac^g licet multis periculis afflictos^h tamen
 inlesos Anglorumⁱ appulit oris⁴.

Suscepti primum ab archiepiscopo Iænberhto, sancte Dorovernensis ecclesie⁵, 20
 que alio vocabulo Cantia vocitatur, ubi sanctus^k Agustinus in corpore requiescit, inibi
 namque resedentes admonuimus ea quae necessaria erant. Inde peragrantes perveni-
 mus ad aulam Offe regis Merchiorum. At ille cum ingenti gaudio ob reverentiam
 beati Petri et vestri apostolatus et honore suscepit tam nos quam sacros apices a
 summa sede delatos. Tunc convenerunt in unum concilium Offa rex Merchiorum et 25
 Chuniulfus, rex Uestsaxonorum⁶, cui etiam tradidimus vestra syntagmata¹ sancta.
 Ac illi continuo promiserunt se de his viciis corrigendos. Tunc inito consilio cum
 praedictis regibus, pontificibus et senioribus terrae perpendentes, quod angulus ille
 longe lateque protenditur, permisimus Theophylactum, venerabilem episcopum, regem
 Merchiorum et Britannie partes adire. Ego autem adsumpto mecum adiutore, quem 30
 .f. 115' misit, virum probatae fidei, Uuigbodum abbatem atque presbiterum⁷, perrexi* in regio-
 nem Nordanhymbrorum ad Aelfualdum^m regem⁸ et archiepiscopum sanctae ecclesiae
 Eboracae civitatis Eanbaldum⁹. Sed quia praefatus rex longe in borealibus commo-
 rabatur, misit iam dictus archiepiscopus missos suos ad regem, qui continuo cum omni 35
 gaudio statuit diem concilii, ad quem conveneruntⁿ omnes principes regionis tam

3. a) saxnia C b) Georio C c) domino bis C d) inritisset C e) mitificat C f) freti C
 g) ac om. cod. h) afflictos C i) Anglorum C k) sancti C l) vestras syntasmata C m) Esual-
 dum C, emend. J. n) convenientes C

1) I. 772 — 795. 2) Georgium episcopum ab Hadriano in Angliam missum esse arguit et 40
 Simeon Dunelmensis ad annum 786. (p. 51) et Leonis III papae epistola infra edenda. J. 3) Aen. X,
 209—210: caerula . . . freta. 4) Aen. I, 377, III, 338 etc.: appulit oris. 5) 766—790. 6) Cyneuul-
 phus rex, quem ipso anno 786. interfectum esse liquet ex Simeonis Dunelmensis hist. reg. Anglor. ad 786
 (p. 51) cf. de eo Epist. III, 424. 7) eundem fortasse presbyterum, qui Carolo M. commentarios de
 octateucho excerptos dedicavit, cf. Poet. Carol. I, 88. Simile est etiam nomen Wigbaldi notarii Pippino 45
 et Carolo regibus, cf. Sickel Acta reg. Karolin. I, 78. 8) Ao. 779—788. 9) I. 780—796.